

寺靜
門軒
著

繁昌後記後編

76
3813
7



門 76
號 3813
卷 7

繁昌後記二編

蓮湖浪人 靜軒居士著



此間與世別乾坤紫氣何曾繞塞門無復青牛載
道德仙人徒說老婆言

却說箇鬼役稟了道如是如是頭目道事如是新令
更張不止犯罪就刑典少不得忠良亦應冤屈殺死
鬼錄加編道中混雜好生戒把守則箇鬼役便唱諾
去了

只看箇仙人羽衣翩躚飄忽來了揖一揖說起道某
地仙某某日蟬脫的頭目問道汝們甚麼方術這等

繁昌後記

二編

早稻田大學圖書館
昭和 34.10.23 燹
藏書

長生的多則千萬歲少亦不下數百年因此上該關
看汝們經過極少如教人間似仙家一般我們安閑
好生免了煩惱奈穢土人命朝菌一樣教天堂地獄
年中不堪叢雜想汝壽亦數百歲的面手猶做嬰兒
之色請問何訣至此仙人道無他絕了色慾是做第
一義官人如待延齡須由此下手頭目沈思久之道
人而絕慾何樂之有不如早轉生去又漁美色又飽
珍味快活做生之好也仙嘆口氣道是是可謂卓見
在下初時意謂仙境異常一歲皆春吃了碧桃酌了
醴泉嗅着靈葩芬芳聽着奇禽宛轉居則瓊樓玉室
行則雲車鸞駕呼雲起雨自由自在莫不如意好生
垂涎不過苦修多歲方纔登了仙籍何思經數年之
後安閑難任漸生倦悶碧桃也飽醴泉也飽連瓊樓
雲車厭了不禁憶起當初坐着快輿走了吉原擁翠
袖吃紅鸞聘着歌妓幫間照豪撒興雲雨一場餘醒
未醒去那駐春亭新浴取快吃了些醇酎淡羨歸途
買船入墨水航向鳴閑步木母寺地方來小倉庵吃
過晝膳復還船上金波樓臨水排宴恁般快樂今罷
矣治色思之不得傑味憶之不得好生苦惱尋死也
不得徒同壽於冥靈長做椿木之生當初一念錯過

只是百悔難追，今而得死轉生於牛馬，甘心的因思佛斷了輪迴，超過天堂，常樂我淨，不復轉退穢土去。想那成佛的，必定不免悔恨，百味飯食，厭飲不甘，一曲音樂，不任煩聒，況堯卒法談，又倦又困，那箇聽着，勾得畢竟苦樂相待，豁了心氣，一向絕苦，何緣知樂，所以為樂，樂土樂土，佛必不得，所奉勸普世間信男女，休欲成佛，休願登仙，勿費布施，勿進香火，万一祈先緣，追薦上了天堂，去必道子孫不孝，使我成佛，吃過恁般苦惱，頭目謝道：妙論發蒙，誰不從教。

一夥計，箇箇兢兢，待直經過去，頭目喝道：待待汝等，

家業何，某上前惶忙納頭道：實不瞞過官人，說小可等一夥俳優是也。頭目道：關法除四民道僧外，如汝等伎人，試之代眾兒，好生演些戲曲，否則決不許前往。某道：前進不得，莫還人間麼？是固指望的，頭目叱道：爭使得進，也不許退，也不許半死半生，教吃多少，慘苦某，皺眉道也罷，奉獻拙伎些，便入隱所，箇箇打扮了，濟濟登場，內中一人拊節說起曲兒來。鳧脛雖短，續之則患；鶴脛雖長，斷之則悲。治民道理，亦是一般大，公任物不用苛察，此為政事之紐。當下秩父二郎重忠奉台命，守護皇居，且裁斷訟獄，其入

仁智公道奉職民庶敬服稱譽不置同僚岩永左衛
門致連檢視東大寺造營自南都還與重忠同輪番
画卯窈治忠七景清踪迹原來致連心性奸邪外粧
公義內挾私怨依了虎威猛緝逋其連累景清所狎
之妓曰阿古野待拷問他招形迹恰好重忠家人成
清携阿妓解了衙門來衙役走去自輿中拖出之
看得玉手發彩蓮步生香愁眉淚眼更嬌愈艷錦襖
未褫黑索幸免也像挿瓶牡丹水氣未潮帶兩海
棠露華猶滴
成清嗑頭稟道從旨脫綁縛甘言温慰百方究問他

只道不認因率本身到致連不待言終高聲叱道汝
怠慢怎不細縛他來不下狼手怎招認明日則我的
直番親拷究取供顧衙役道快把那厮解了我邸內
將去重忠過住道成清處置依我咐囑且今日是在
下輪直足下何容喙好生休息罷去致連雖壯裏起
性理沒言可回鉗口默了重忠向阿妓道緣情立義
汝等本領不堪苦楚供實汝所不敢且世人指着娼
婦槩為無情義者汝欲使他啣指麼莫非漸壞了朋
類面上麼我豈不察之雖然只不止景清一身係着
天下安危縱引世人之謗汝如供招奉安幕府尊慮

斷滅國家之患其功豈小小會得此道理供他踪跡
罷阿妓擡頭嘆道初時聽衆人言公能酌情裁訟噴
噴稱譽奴家倒謂世人風議何必足憑思是衣上之
薰香豈能保久誰料今日究問析理斟情懇切透了
骨兒奴家懷抱之苦苦於受鞭笞之戮雖然苦奈真
實不認何以呈供猶置疑不教寬放去好生吃刑具
之苦熬苦是苦界之職聽苦亦衙門之職難言職字
有兩般致連暴跳以喝道休休不任煩聒不吃酷烈
之苦爭奈招認聞得汝已抱景清之胎我下手剜腹
扯出胎兒做齏阿妓微笑道凌遲處死亦甘心只賜

死做仁慈重忠道汝怎硬強欠不得到底用拷問致
連催喚衙役道趁早拿了刑器來車忠道尋常東西
不為用在下預準備了叫成清搬來安放原來不是
別物三弦鼓弓十三箏排得燦然致連吃驚張眼看
何如重忠徐徐起身去一面命阿妓道我待聽取汝
試弄一弄一面向致連道足下亦听了致連冷笑道
這箇什麼刑器託究問聘歌妓按曲取樂莫敗躰面
麼這等拷問千古以來未聽的重忠不採向阿妓促
道汝不肯下手欲呈招麼不然除非一撥去阿妓何
如解其意只是見迫不過旋把箏調徽拂歷數撥嬌

聲唱起詞云

花影之芳也是與月有綠水影之清也是與月有
綠影耶雖清影耶雖妍手已難捉口那可傳

重忠道今所唱詞意比自己不知景清下落是也罷
且問汝與他深初時甚麼緣故阿妓回道何事委曲
辱此鞠問疊指數來今則做昔當初平氏盛世他每
日去清水寺獻香往亦五條橋回亦五條橋我眉招
了汝目挑了稍吃着烟漸啜着茶因緣已結觀音經
會見必約廿五夜何計壽永之秋西風翻浪平族入
海登時與他訣別頭目喝采道妙妙何必收場汝等

伎倆果然是優快去快去頭目羨遣他去向同班某
道汝我恁般俱坐我是重忠汝即致連某笑道使汝
為重忠傭那三途婆充阿妓便好了

翠雲驛

去業關數里有驛曰翠雲有原曰賽河本驛係地藏
佛管轄佛住翠雲宮驛名取諸宮此間並是山路比
那死出嶺更險惡崇山造天訝谷陷地峯踴巒驤石
驚泉怒向鬱林蒙蒼嶢岩淆雜中上下曲折開數條
徑路到處瀑泉噴雪水簾灑珠澗流清徹毛髮可鑿
砂石可數真箇碧琉璃一般也像奇木交枝屈盤異

趣佳草吐香婀娜爭姿岫雲吐吞時刻行雨林靄聚
散瞬息改景箇禿驢左顧右眺緩緩來過嘆賞道果
然仙境我足迹徧天下未曾看這樣勝景當初我蕉
翁豈無句驚人什麼沒覩碑石想此間人物凡俗無
箇管掌雅事者可嘆可惜箇役夫在背後叫苦道險
比着函嶺不止一倍我在世每每擔了重大的行李
過了猶不見這般苦惱形勝畢竟不值一碗飯甚麼
那俳家吟客望山道竒臨水道妙咄咄甚風流從我
視之愚亦甚且那廝等千里就行不過一打包我的
肩頭不擔分文利益抑古恠到處叫他稱先生思是

先生得莫非愚人別名麼莫非貧家綽号麼兩箇女
人一箇老嫗一箇少婦並扶筇來到嫗道娘娘年紀
猶少何病早世婦道拈醋之久惱恨害了身子嫗道
這等莫非係小妻麼婦道是了良人蓄箇小妮子後
把奴家撇了門外只管愛着他百般依他漸漸帶着
霸氣衆婢也奉承他了外粧敬內抱侮每事言小夫
人之命誰得不惱恨嫗道正是正是好生可憐婆婆
亦不無惱恨孩兒所娶媳婦稟性默而拗操事任己
毫不見婆的顏色少拂其意抵嘴外向誨之不從責
之反唇剪刀也不會調和也不諳每天晏起猶且偷

閑午睡的到是只顧喜演戲託進香每每走了勾欄
暗地裏破了多少銀兩婆婆今瞑目想他拔眼中之
釘難言不生不伶俐之事七七齋奠必不供些一句
佛名爭怎念的且今而知為那色空所騙他常日勸
了婆道須精進念佛須勇猛施錢當屬續佛必來迎
一直超過受了常樂婆平生念佛况臨終怎至心不
念已知死何物不棄捐然而今如是這般音樂也沒
聞紫雲也沒看獨往踏險已吃多少苦歎歎相說步
步互答認得一少女跌倒了抓起不得只得叫苦娘
道呀必是千金小姐好生可憐轎兒輦兒平素塵埃
也踏着不堪的這等險危爭奈走動恨不教我媳代
小姐死了正是

追悲徒數亡兒歲後悔今知老嫗愚

箇老妮子一步步念過又南牟又南牟託道書寫亦
多少時觀亦多大佛甚沒消息莫非化度他方不違
麼不妨受些苦宜消滅前業弟子自幼入宮奉仕不
曾吃人間慾味纔虧了假東西不過洩些心氣比視
那僧侶還是清淨無垢的老來發起待新建一寺資
了冥福百方攬掇方纔償願豈意新政猛烈可惜可
憐把那浮屠破壞得乾乾淨淨佛怎不震動六地怎

不懲戒五惡不趁早加冥罰恐怕佛法斷滅去南牟
南牟隨後箇老人佇立嘆道艱苦艱苦雖苦則苦把
生時快樂乘除來猶是万分之一予何幸福生了太
平世繁昌都內穿好吃美不必說蒙君上之錯愛給
事左右以恩寵超衆之故宰臣亦奉承不置朝野指
望我為主官職之與奪訟獄之生殺連商賈瑣屑之
事件逐一屬託持來賄賂築山人事開海顧思爭些
惹利害前程或難保因乞骸骨然君公破例賜朝仍
陪了內宴是又格別之福既致仕沒有可復避嫌幅
巾野服雲行鶴舉画舫載妓巾車命酒黃公之爐也

可拋着杖錢昨日去角力場今日坐演戲場那箇言
不字身如是而委託仍集豈不福麼獨所愧不曾擔
國家之憂先天下消受天下之樂琰王何如裁之雖
沒大惡亦沒有小善天堂之快樂生怕受用不得哩
箇人在背後人息道為國慮事怎容私心何況謀大
事官亦大早計不加查勘立刻緝捕把無辜下了獄
豈不虐但是我友其人被賣陷院不免繫累冤屈
大小吃苦因自盡贖罪晦迹於幽冥的今聞世人賞
玩我遺墨高價募之丹青成名豈我志噫箇人憤憤
大步至渾身焦黑鼻目難弁識原來此人坐火結果

的，忘了，不過嘆口氣道：目今如是，不免日後史官編我於叛賊傳中，豈不遺憾？與學問誤事，才能災躬教人，不任悔氣。嗚呼！世徒取門閥，枉屈人才，宰臣至師長，不見箇有學識，怎會道理？也不解人情，也不辦事，只顧照舊規，一事不能處變，只怕失職。祿看衙門，做客舍收賄貨充俸資，只但挾威光，願使俊傑是教犬羊驅虎豹一般海氣，誰堪我的素願？亦有限，太平世怎取封土公爵，不過數等超職，少展才能。朝廷不知待才，遂使心恙做歸，弄出天大的事件，來何等悔氣，且恁般焦黑，不知琰王認出否？莫或錯做大黑神麼。

麼，嶺已盡，稍平坦，客舍鱗次，不甚異，人間。但是行人獨自單行，不帶着多少行李，側近之民，永免助役之苦，只看箇農夫劈面遇着一士人，叱道：「記否某月日，我值初役之課，將肩輿擔汝，汝弄威無理，生事倒向我，計錢百而不肯二百，也不想到數緡錢方纔放還，使我破二日之業，快領一拳之報，早揮狼拳向他頂門上打下去。」士嚇得在地告訴道：「凶暴之罪，百拳也能焚得，獨恐君向琰王面前說起這等事狀去，正不知吃什麼苦痛，伏請密之。」夫顧時認得箇亭長待抽身。

書曰後記 二
躲過去便丟下士人一力扯倒他去喝道汝比那厮
罪利十倍爭奈饒得向者公某始就國惠破舊額夫
馬之數減半汝等大胆照例徵役沒了雇錢欺上困
下何等罪我待稟琰王置重治未間吃數拳去公
亦踈脫怎不查明亂罪是所謂徒善惠而不知為政
也看一小鬼鳴了鑊棒來勸解道汝倘打死他的不
免本驛吃累請大度收手去當下眾人圍繞看何如
鬼顧叱道列位甚所管快走快走
日已沈西天色欲晚各店前婢出呼客兩箇容相携
同走婢捉袂不放客道前頭有熟店在快放去婢道

阿呀此所不人間怎說生熟請歇宿去罷客道我非
鶴非龜亦非仙人經過此驛大抵不過數十年何如
無親熟婢道已轉生怎記了前番客道這等凡人通
例不瞞過汝說我前生箇大儒先生博聞強記讀書
數行並下一回看過万劫也不忘了婢道休說謊不
問好歹一力扯入客低聲道妓肯否請今夜伴眠婢
微笑唱諾去了兩箇吃了茶罷婢來報浴甲先起身
去浴室脫下衣帶向浴桶把蓋撒了待下手何思蓋
又浮出來甲錯愕尋思一會稱贊道蓋板重設西方
何等丁寧不似我關東率略贊了不措就把重板撈

出來道好好直舉一脚沒了何思桶底極熱急拔脚
來叫苦道爭些陷了焦熱獄這般熱烈是甚麼緣故
爭奈浴的何如手段是好且兩箇同宿我先吃此熱
豈不悔氣何如方便分苦與他工夫一會恰好看木
屐放在一邊拊掌道原來恁般備下我不省的就把
屐着了沒一脚試試十分安穩喜道妙妙待把全身
沒入尋思道妙非不妙還是何如坐着莫災後門麼
湯也淺少或安豚兒決不及肩哩西方人氣儉嗇不
似我東方豪奢一頭說一頭浴方纔出桶便把屐匿
了道運籌桶中分苦於千里客妙妙乙未來早被別

客攙進來客說道古惟何如連底板脫了把那板來
踏板沒入甲心裏暗暗悟了其故而乙來促道汝怎
漫漫取浴我昨被昇入功德院那行事的無情略略
灌下些水了懷抱甚不快今日自親快洗淨去待客
出照例沒入道妙妙正是

雨滅炎威脫仲達東風不復便劉家

關西浴桶向底焚薪乃用底板遮熱名曰五右
衛門風爐東人所以不解

江都稅居者地主不許就居沐浴以故每寺必
置浴所且編戶以五結隊每月交代輪流掌事

謂之行事人

乙自浴還坐下按摩瞽師來摸索跪下道尊客等定勞頓莫討按摩否乙道好生辱手瞽道諾便向背後摩娑幾番旋旋屈指頭按殺去乙道師籍係何地方瞽道本貫西國少年辭鄉來京師往江都他浪華等都會地方莫不履歷乙道就裏孰好瞽道從地有便宜一舉難論起錢易得無似江都但我們田舍人畏其多災天向冬時刻報火每遇風夜安心睡眠不得且我衣食係夜中殊不堪犬屎之多江戶男子極妄夜分則朝街面小便去時常險些被汗豈不難堪麼

還是女子極小心連卑賤途中不淨手深夜亦必尋廁不似京女郎不避途次但纔是江女好處原來京女容姿婉婉言語嬌柔江女爭得彷彿乙道汝捺指否瞽道少不得試了些乙笑道好生可羨地理風俗何如瞽道江都雖好不過地方廣大人居稠密形勝沒有古蹟亦稀京則東西南北所到勝狀所在舊迹人氣溫而品高身雖卑賤不似膝栗毛所謂弥二喜多八等踈放乙原來江戶人起了性些道侯邸壯大京有否瞽道沒有乙道割烹何如瞽道不及乙道娼門演戲撲力何如瞽道並不及乙道汝怎只稱譽京

小視我都瞽笑了一會道僕錯過初時思想君等自
京來便是不過獻媚勿論京師浪華連漢土天竺豈
有似江都乙色喜道好好師術殊妙勞頓如忘便探
囊摸出細銀與他瞽道未有錢可兌乙道不妨帶去
我是江戶人瞽千萬謝出低聲道江戶原來易哄賺
按人之生世智實始開慾心從動智即慾慾即智
智未開惡亦不能為慾未動善亦不能為思夫使
聖人佛子無智無慾何以講道理何以設方便其
治天下其度衆生自非用智慾又何以為是知聖
語佛說以智發而以慾述還制他智還戒他慾請

看一切衆生亦復以智以慾而理其生王侯無慾
不能為國士民無智不能齊家儒而無慾何如刻
苦讀書僧而無慾何如苦心修法治郎以慾取樂
而妓女以智接之無智何以知樂無慾何以得接
乞兒唯食之求似無智而其絕累非智何天子唯
勞政事似無慾而其占尊非慾何嗟夫天地間何
物無智何物無慾而獨嬰兒則智慾未動殆無異
於木石木石其何因為善惡是所以無可昇之天
堂無可陷之地獄其既無善惡琰王何如處之是
以託之於地藏發遣轉生嗚呼其無智無慾地藏

後已 二編 十四

亦何以得處分之

地藏嘆口氣道我任亦大比那聚穉教字書博士勞苦一倍較那抱兒哺乳穩婆婆辛苦一等撫育發遣轉回已不得也像拾收落葉一般奧州地方殊多弱兒不免我吃其累且都會地方有墮胎家是亦累殺我的聞得醫者說其方候孕後至四五箇月用麝香破之或言墮胎家豈用這般高值藥材別有處方蓋然矣近來小兒罹痘多殤而目今牛痘法行少使我免了作成但思人命注定痘或免死豈得免驚風脾疳等殺兒之病亦多何止痘已且往時痘輕痲重及

近歲痲收迹而痘倒重大想是天氣之變今用人力防之安知不別生何如疾病要醫人一時射利之術且其依利處分踈略累及我亦不少說未終小的的呱呱的吱吱的兒們陸續來纏大的攀錫杖小的捉衣裾佛一一撫摩了其頭道汝莫非摸索乳頭麼汝莫非尋爺麼可憐不可憐看着憇般光景想鬼亦掉落眼淚來說未了俄然地軸震動來佛仰面道百年來不見這等震動莫地獄更陷否曉得人間世界屋宇崩倒不免小兒壓死的思夫佛在世遇事六地輒震寶塔或湧後來地震不止寶塔不湧出還是

連佛閣崩摧時世之變真箇不可思議想補處佛出世不遠哩

驛頭有渡合同船招客載送水路約六七里客已疊膝而梢公未飽四下走徧高一聲討客待添一箇加半箇客倦悶不過內中有的起一性道天過二更怎不發棹有的道未知金毘羅船模樣何如這箇甚似定川船樣子那靜軒定川絕句道是

竹竿画席脚纜伸喧聒難眠夜向晨說水談風語音異一船載得數州人

梢公更添了數客方纔解纜有的對眾說起道汝我

死也幸目下新政猛烈通天下莫不吃苦聞得那惡理寺某捏造巫蠱事狀把僧某配了沙門嶋因陷侍臣某又聞故理府某冤罪被幽憤懣不食死豈不可憐麼那太平年表登錄朝典極是詳悉其人倒得罪褫俸祿靜軒亦罹文憲他是飄然一布衣猶見沒著本身蒙譴逐况占鉅財者多遭惡理寺尋事籍沒有道的道靜軒狂踈不省忌諱且極口罵世據我觀之終身禁錮莫非就末減麼有的道他今毀形為禿驢遊方生活強顯售拙伎不耻可耻豈不打壞儒者面目麼怎不投環袂石以殺死有的道聞他已死了豈有

此事是或訛言有的認出有的某道，
何因至此某道偶染邪疫熱已陷裏，
誤用真武病勢還增劇，因別延漢醫，
又請西醫並道，沒復方可施推謝去了，
遂乞救於富士講者，他只管唱咒兒，
用水換藥未幾，嗚呼尚饗，是亦命數可憐，
使老婆一生守孤燈哩。

淀川船猶載送數州人等，況冥土合衆船連漢竺，
外萬國之新鬼運漕去了，渾雜可知矣，某對象說道，
我的浪華人氏略話懷抱，贊之列位，世言浪華比工，
都讓一著，依我觀之，未必然，我城池之傑，蓋萬國所

無況江都固不足較我天王寺，浮屠世豈有似之，
壓倒京之百塔，且夫天下黃金舉歸浪華，列侯亦不得，
不仰我賈獨所欠斯文耳，雖然先有小竹，今有東暎，
近歲旭莊亦來住，孰言賈人不吃風雅，往初薰葭堂，
名奔走天下，今日九山以詩名家，文雅亦不為寥寥，
他新地迷樓道頓渠，勾欄並賽過京師，堂鳴米賭日，
本橋繁昌豈讓江都說未完，某道我的即勢州人，據，
我言之，以我山田為皇國第一之好土，京地宏麗，不，
過禪刹江土壯傑，不過侯邸，况浪華何足誇，如把黃，
金論之，那團頭亦富的，黃白豈足掛牙，茫茫宇內何

物抗了我大廟大家道，正是正是信州客道，五山十刹，雖京師多寺，何佛爭我善光寺如來神，則勢州佛則信州，大家道亦是了。越後客道神佛雖貴，支飢不勾，遮寒不巴。三千世界莫貴於米，而我鄉穀粟之多，所謂斗米三錢，豈不好國麼？與州多米，一年遇荒不免噉松皮葛根，當初丁酉癸未，飢饉我土不看一箇餓草，且有七不思議，在未聞他方有一不思議，靜軒所賦，不思議中一念與衆聽道是。

以火呼火，火即傳用筒，接筒從亦燃，東隣西舍引得遍塞，其原則熄不延，火之所由，油必有掘井，千仞到黃泉，黃泉和油百丈牽，據泉製時油，堪煎油之與火同一脈，理不可議，吁亦天。海錄所謂泥油，此曰草生火，蓋蜀之火井是也。博物志謂之石漆。

衆道不思議，不思議丹州客道，我的亦話說我州故事，與衆聽便執扇子，打下一拍，說起道：昔者源公賴光與五個跟隨的，一齊打扮道士模樣了，向那大江山前進來，看得箇婦人坐着溪上，把衣洗淨，血痕跟隨保昌向婦揖道：我們迷路到此，側近有人家可投宿否？婦人道：啞此所是妖鬼山寨，君等趁早去罷，險

些把身充下物保昌道不妨我們羽流那里怕死婦人指着山頭道由此去里而近小心戒之六箇薛了婦人鼓勇前往只看一坐山寨果然峻絕保昌先去叩門箇小嘍囉出應問道是誰保昌唱喏道失路之人乞借一宿房錢照例拜納嘍囉道待我去稟大王回身去了少頃出來說道大王叫汝等進去快來快來衆謝了跟着嘍囉進入望得鬼王坐了堂上倚玉几堆錦墩向大家道汝等果然黃冠造化也高蔬筍的血肉難上唇哩今命晚酌汝等陪話幫了些興衆深深謝道已許下宿歇又賜了盃酒何等福分敢不

領命早看侍女送了酒肴來放下鬼王舉一大白一飲倒盡道汝等須開量痛飲但這般東西任得吾衆道爭奈當得某等並小戶請把小盃慢慢地奉陪話鬼王道任汝等便宜酒已酣保昌起舞展了摺扇揭了衣袂左周右旋鳳躍鶴翔四箇擊節唱曲兒鬼王歡喜極口贊稱看播州客接他手道長談莫教大家倦倒麼我的代汝說了我州故事便把扇子一拍說起道看得平敷盛鞭浪追着前踪直實趕來揮扇叫聲回回敷盛見招控韁勒轉回來不交問答閃刀取敵兩劍來往遮架斲殺雌雄未決遂棄刀相揪住兩箇

都滾下馬來原來真實膂力剛強年且壯敦盛妙齡
筋骨猶軟怎抵當得被壓在地直實拔出小刀待刻
認得其人弱冠眉秀眼清好生似兒一般不忍下手
肚裏尋思道殺之不過貪功不如活之完璧就扯起
他來道「甲下裏幸沒人郎速逃性命敦盛不肯道雖
欠傍觀豈不慚心且平氏運已逃滅亡有日與葬魚
腹寧死英雄之手真實勸道郎能肖孩兒我手已軟
速去敦盛躊躇未去忽聽得背後有人高聲叫道「直
實二心莫非送款於平氏麼漢人在傍扶口道世指
日本稱武國真個然矣故事無不戰伐但聞方今慣

太平勇氣漸消我漢亦然近日因鴉片事件一旦起
了兵端而照代怠於武之久弁官通不中用夷賊猖
獗旬日間陷百城京師震動遂約和親納了歲幣方
纔收兵正是宋末之光景豈不慨嘆與未幾洪賊嘯
聚奪掠江南賊勢益旺危迫北京幸賴滿兵救應一
時冲散去了勢氣猶炎天下騷擾未知結局何如有
亞墨利加人對漢人說道貴國近歲開天闢地的擾
亂帆商不通還是日本甚困於藥材欠缺萬國今莫
不互市而那州獨守舊規除貴國和蘭外不肯容交
易豈不頑乎豈不硬乎但魯西亞英吉利等猶畏其

武勇未下手，我將帥彼理。年來計畫索，性打探那國。
動靜或洋中，漂客或鳴內。犯罪迎取其來，錄用厚養。
以故諳其水路，審其暗礁。今道日本太平之久，武弁
偷安不復講兵，勇氣萎靡。畏怯忌兵，俊傑屈下。幕庭
無人早晚，我待將戰艦安放。巨鉤直搶海關，迫江都。
觀兵威強，開互市難言。他不狼狽，必失所措。云云可
惜，僕未及見而下世，不知目今闌入否。漢人念句詩，
道。

芳妍向這萬紅中，情意惜春誰不同。早晚應來更
夜雨，騷人預恐落花風。

森羅殿

天風翻幡曉雲方披，玉薨金楯煥煌注彩。朱楹碧欄，
爛粲交光。宮門嚴穆，階墀肅謐。冥官翼如，取次參朝。
只看珠簾捲處，閻王執笏坐下。一一受頭，畢宣道聞。
得東方世界，閻老某大擅威福。權凌君上，暴苦下民。
破舊典發新令，使世騷攘不康。食理寺某等，耳目尋
事苛虐。佐天羅織巫蠱之狀，首陷了一舊臣。誣某下
圖圈使不食而死，又擠某又斃某。前庭舊臣一洗掃，
地名戒奢侈。實逞私慾，震列侯徵賂貨。罰巨商沒財
布，朝野戰栗。做激雷迫頭地震奪脚之思，朕思欲向

淨玻璃鏡照了查驗快拿那鏡來冥官應聲隨即令
牛馬首二鬼把鏡兒搬來東向安放去正是

誰識眼球穿屋漏不唯耳朵屬垣牆

照得新政光景逐一上了鏡面來深川地方七所妓
院其一曰新地樓枕海濱宏麗佳潔殊宜納涼更宜
觀月魚鮮酒美水路之便樓船猪牙舟相逐爭集長
年向棧板報客某樓箇財主率數箇幫間來打排宴
席水陸珍肴續續擎將送來粉頭簇擁紛紛上至嬌
模嬌樣箇箇唱了万福道大官人何如踈濶今日甚
風吹送來箇幫笑道東風便周郎箇幫道那周郎纔

不過鎖二喬官人比他倒是福分多大不知自今更
鎖了若干喬財主顧道休聒粉頭早把三絃調一調
鶯喉圓滑唱起詞云

露耶言汝同睡芦耶言我不眠那訟何如遮掩這
訟冤屈何然芦花抽時帶露鮮妍

幫等喝采了箇箇笑謔起身舞跳財主授一大白賞
了便擲細零銀子做纏頭大家歡天喜地堆天收了
財主向幫問道近日有何奇談幫回話道沒有但聽
道路言政綱更張除吉原外把所在妓館一向撤了
使其人改着家業或如斯言不免該地亦歸烏有我

們何如過活的，豈不抱鬼胎麼？說未全了，鬢引了個主顧，某惶忙趕上來，財主瞥見頭勢不好，着急道：「家中弄出甚麼事故，某叩頭了。」一面拭汗，一面顰眉道：「事狀極凶，主出門未多時，公差人搶入來，喝令道：『本舖嘗置辦私貨，官查出明白，以事係往舊格外仁恕，罰不及身，籍沒家產。』一徑封鎖倉庫，去何如？」是好主，火速去別業料理，則箇財主吃驚不小，顏色又青，又黑，猛聞家內騷擾，叫苦道：「道路之言果然不訛。」公差已來了，何如便好？粉頭幫間一閃爭先下梯去了，正是：

百花爛熳春酣處，一陣驚顛風吼來。

當下連根津谷中赤坂堂前，盡驅填之吉原。

琰王支頤，觀一觀道，輒近吉原，漸向式微。私窩日月興旺，奢侈從過分，撤除為墟，未為不可，獨如局院，則賤人之樂境，宜留充其慾，今槩除之。蒼頭丁役去，那裏頑奐的，不免私通強淫，弄起利害，雖身有貴賤之等，慾誰不同之？貴官占數房之樂地，賤役恃一刻之興頭，無情曷然。戾天理，破人和我，恐天地蓄怒，十年之後，地震海嘯，大災荐臻，咎徵必見。顧真官道京之鳴原，江之吉原，並是紅粉之海，風月之天，公道充慾。

寶曆名言 一
古典猶存何如恁般寥寥是甚可疑也汝等有所見
替我說破來忽看箇官某出班奏道臣謹按歲月之
久時世之變本末易位諸凡皆然勢不得不然非人
力之可挽回也視之漢上自周室東遷以後諸侯擅
權五霸互起既而權運於大夫威旺於夷狄三晉分
地秦擄六王何代不然何國不然事雖異理則一今
鳴吉二原不旺亦是也且思世態愈降人品益下趨
鄙俗棄品格然吉原之法原來重品其接客初不輕
獻笑入房亦不解衣帶曰初會曰二會及到三會定
情之夕始稱狎客且每會處置必依典例且非醫員

不許坐輿入大門鳴原法度蓋亦準之古人所取今
人所舍世態變可以徵也以臣觀之二原不打破舊
章墜却高格決不見昔日之繁昌鳴原比吉原衰微
更甚祇園新地等委巷還是旺了且稱聲妓者其售
色同之而權倒駕真妓不似鳴原媚貴而歌妓居卑
是所謂似而非者與偽君子道學先生同樣可惡之
甚也然而都人倒是之悅人心不古亦可以嘆琰王
點頭道極是極是朕嘗思量鏡面所照不過檢形狀
言語不達委瑣事情苦難詳悉因讀繁昌記他則多
錄所聽與鏡中所照庭徑不少頃又看他所賦吉原

歲時記就裏有一二難解欲憑汝審之便把詩冊交割某拜受披展朗誦詩云

一味春風五巷新翠松綠竹入嘉辰休言此際欠梅影玉骨冰肌別有人

櫻花輸了幾車輪二月景光垂盡辰也似阿娘辭舊梓芳姿流轉落風塵

花時例看獻山花淨域花勝苦界花恰似嬌會放籠去狂飛追逐別園花

王道聞三月栽櫻七月張燈八月演戲是為茲境故事
中街櫻花之景想熱鬧何如舍之及東獻某道此

月娼家率離妓歌妓幫間等觀花別所或東台或墨水游蕩暢興亦是例典乃舍彼取此作者新思如此而脫常套二月題櫻亦然王道好

櫻根滌處鼓蓬蓬神樂來追柳絮風上下活毬宜僚手自由穿去彩筠籠

王道神樂係常有之物何限以四月某道這箇俗間所謂太神樂其鬻伎於市莫有時節獨來此地專用是月例自昔然蓋是時花飛蝶驚景致蕭疎日長如年所以解大妓之倦動宿客之興

聲妓紛然助人事精裁並手一旬來紫蘓誰識倩

香瓜，辛苦却稱甘露梅。

王道香瓜何如某道，是茶房人事例，以是月領贈，稱之甘露梅，是係去年所製，乃用本月更製備來歲例，倩聲妓之手，妓亦以被倩之多，做面目，是其所以然。紗籠掌火，玉玲瓏滿地，光輝與晝同，品剪評裁何熱鬧，不知天下有秋風。

蓮步移時風不禁，素粧一日也千金，那疑顧盼生光彩，即是白衣觀世音。

王道觀世音何義，某道是月初吉，大妓並穿白衣，循行拜吉，亦茲地，故典世所知也。

繡帳眠醒了，曉粧繖羅履，玉拜重陽，蘭香吹管迎，豪客不許黃花，擅晚芳。

梅未蘇，魂菊萎，霜人間供佛，欠芬芳，死花製出生花手，朶朶受風脂粉香。

王道死花何故帶粉香，西施亦葬則腐臭，某道是月世間之花，娼等製紙花，供養佛，不過鬪巧，非故事也。冬天已闌，一陽春梅吐寒香，雲物新，吉利主翁祈禱，去白頭叩盡白眉神。

王道白眉何如某道，是翠翹傳中，字面靜軒假借用之，娼門各祠其所信，不必何神。

刷工画伯費經綸滿壁丹青光彩新孔雀鳳凰爭
展翼臘冬已徵太平春

王道修壁画何限本月某道彩雖不減改画迎春此
亦吉原所以為吉原係凡画師歲晚衣食例然矣且
除夜前太神樂復來打扮異常不用獅頭着狐面躁
入門鼓吹喧闐舞蹈唱祝是亦故事雖都人多不知
王道是可謂補遺漏蓋作者亦不知也

照出箇忘八埋頭沈吟了一會道何算忽地壞了衣
食那里改業便了開米舖開帛舖孰利築酒店築油
店孰便買田為農安心則安心想不堪疏食買業為

吏便宜則便宜書計難驟辦是也罷商賈利息多亦
不過三倍或連本錢折了是亦難保握文憑貸銀兩
難言一一完璧照物件出金不贖也不失原金要無
如閑當舖义手久之翻然改卦道險些江都多災一
時遇火連倉庫做烏有也罷世間何事似前業占利
居貨街賣有口腹之養無消損之害何等悔氣索性
培了搖錢樹頓遇絕根之斧嗚呼

官令三座戲場移之於金龍山側賜名曰猿若坊
其地原係某侯別邸誅伐草棘填塞汗池狐鬼棲
息之境忽變做歌吹喧嘩之鄉使人動桑海之感

別郎地方古昔係驛路常開馬市以故西邊廂坊
今尚存馬道之名俳優住原地良民雜居無有差
別今驅諸此地不許妄外住且其出入冒藤笠以
別良民是新政中之善條獨所憾地非其地隣觀
音負吉原劇偏一方不如移之於深川之善也
照得三座劇場屹然相抗煥然一新三街茶房左右
櫛比揭出招牌丹青爛發光彩奪目擇吉開場鼓聲
鞞鞞天色欲明羅綺聯袖步步爭先

看客皆投茶房卸裝易履飲食筵席茶房掌之而
有大小新古之別大房揭長燈小房掛毬燈以識

別立外面誘引行人者字曰水虎蓋水虎善扯人
沒水所以命此名

一僮佇立仰看招牌水虎捉了其袂勸道恰好今值
第三齣請一看去罷僮問道幾文錢爺道僅十六文
場中並是千金優人瞥見其面猶是多幸况其勞動
手脚豈不好麼僮道諾就履虎尾進入所入之戶曰
鼠木戶僮待更鑽進虎過住道十六文係木戶錢更
出半緡錢僮道汝莫哄麼虎道這箇場內公典非我
私也汝亦不解事並是千金優人十六文怎觀過了
僮道也罷便與錢前進而距演場數百步許有欄遮

之不許前進且前面客摩肩疊踵倉左張右望挺了身子不得寓目虎道更添了一縷我方便使汝去樓欄上十分取觀何如倉道既騎虎依汝方便虎便率倉上了此所曰聾欄聲音不達不過遠望舉動因名焉倉上了待坐庖道一縷係欄錢亦如前例汝欲縱觀更加二索倉起了火道使不得汝果然騙我不復欠半錢虎道汝亦認得欄內看官並拋銀兩買坐我方便教汝與他一樣取觀汝倒生起風火是何道理休休我亦自此辭倉嘆口氣道也罷不入虎穴安得虎子遂倒囊交錢

新政之初究治奢侈罰及俳優江戶則市川海老藏浪華則中村富十郎並蒙譴逐優猶然矣况豪農鉅商懼憲沒產不知幾若干名今日庶人穿絲帛坐華屋家秋用金銀並有罰女兒首飾不許釐甲金銀云云坊間禁歌妓整頭女租居坊正檢點不至或隱匿不告並重治戒之戒之

琰王道戒奢靡正是善政但如優等別是種蠢物其奢過當誰教之然要因貴門寵待愛之不置某道真箇如盲目下新令不戒而驟治害天物不少譬人之育子溺愛不戒傲惰放逸習以成性及生長之後驟

警之見其不從暴怒屏之豈不與之似一般麼且世
雖趨華奢貧苦之民何以吃好穿美教素封家似貧
窶一般何如融通貨財王道然矣聞某公吃菹穿綿
儉以率下其意欲使通天下取儉於己豈不過麼儉
非不好但可行之於一國茫茫宇內連貴人着綿綿
值必騰貴貧民何以掩身不免凍死必矣且桑土地
方用蠶代農今令世間不用絲蠶地人口何緣理生
官亦欠租稅不知天下布征幾万多兩我欠彼凍兩
不便是之只省漫然說儉我不知何意也鄭聲淫為
人之上者固宜退而不聽但下民喜之何如一切停

止人心之和即樂孟軻氏不云乎今之樂猶古之樂
是就心上和樂說去今為上者演散樂取樂或自舞
蹈恣獨使下民無聲音之樂一張一弛文武之道使
民獨苦其所苦而不得其所樂無情亦甚如聲妓亦
鳴太平之具軍國猶演歌舞於營中况照代都會之
地何如一槩驅之獨如整髮女不可有之物執中櫛
事夫女子之職分雖貴人宜自梳理况卑賤不可不
猛禁也或言貧家女自理頭髮費日妨業不如僱人
一頓食間了之也嗚呼幼穉不習長大爭理女風不
正是亦誰咎初孰弄出這整容女史噫獄卒在階下

每目行... 一... 二...
箇箇欠伸不禁低聲道今王好生理窟莫非前生道
學先生麼不知鏡面更照出幾段新景且看下回何
如

繁昌後記二編終

